

# 搗亂補選簡介會 李卓人劉小麗被逐

香港文匯報訊(記者 何西、鄭治祖)選舉管理委員會昨日為立法會九龍西補選的候選人舉行簡介會，食物及衛生局前政治助理陳凱欣正式成為5號候選人。在簡介會期間，候選人之一的工黨李卓人連同被裁定提名無效的劉小麗等人高舉標語抗議及大聲叫囂，搗亂簡介會秩序，最終被多名保安驅逐離場。有立法會議員批評，李卓人自己政綱欠奉，只懂用譁眾取寵的手法，博取公眾的注意，以為這樣便可以提高知名度，擔心這樣的人進入議會，只會拖住香港發展步伐。

選管會昨晚7時在九龍灣國際展覽中心為候選人及其代理人舉行簡介會。選舉主任在確認5名候選人資格後，抽籤決定5名候選人在選票上的號碼，依次序是1號伍迪希、2號曾麗文、3號李卓人、4號馮檢基，及5號陳凱欣。

選管會主席馮驊首先簡介是次補選的安排、選舉法例及選舉活動指引，其後由廉政公署人員解釋《選舉(舞弊及非法行為)條例》及郵遞選舉郵件的安排。

## 舉標語大聲叫嚷製混亂

在簡介會中途，李卓人、劉小麗及工黨副主席麥德正高舉標語抗議及大聲叫囂，強行打斷簡介會的流程，情況十分混亂。馮驊表示有關行為已違反場地規則，3人在擾攘過後最終被多名保安驅逐離場，簡介會隨後繼續進行。

劉小麗聲言自己向馮驊抗議，目的是「質疑」選舉主任未有讓她解釋便取消其參選資格，稱做法是「違反程序公義」。李卓人則稱政府「怕聽到質詢」，反問簡介會「有咩嘢簡介」。

除了在簡介會期間搗亂，在簡介會開始前，工黨、「小麗民主教室」及社民連近40人已在門外示威，聲言劉小麗被DQ是「政治打壓」，「剝奪」劉小麗「應有的」選舉權。



李卓人與劉小麗等人在簡介會上高舉標語及大聲叫囂，被多名保安驅逐離場。

## 亂鬧選管會 邊個DQ都搞錯

「自決派」劉小麗...

劉小麗日前曝facebook係威係咁預告自己個示威活動，話要「抗議選管會二度DQ」。喂阿姐，係選舉主任DQ你嘍，選管會有得過問，解釋咗十萬八千次啦，醒吓啦好有？劉小麗就一向錯漏百出，點知李卓人為咗陪佢竟然跟風，每日大聲質問選管會主席馮驊DQ劉小麗原因，枉佢仲問選管會個候選人簡介會「有咩嘢簡介」，不如佢真係認真認真聽清楚，了解候選人要有咩選舉基本常識先啦。

劉小麗連邊個DQ都搞錯。「小麗民主教室」fb圖片



劉小麗連邊個DQ都搞錯。「小麗民主教室」fb圖片

劉小麗連邊個DQ都搞錯。「小麗民主教室」fb圖片

## 見老友無牙心酸 凱欣承諾爭福利



陳凱欣昨到街站宣傳，了解訴求，不少長者向她反映牙科保健的問題。

香港文匯報訊(記者 鄭治祖)立法會九龍西補選5號候選人、食物及衛生局前政治助理陳凱欣昨日到街站宣傳，並了解長者的健康及相關訴求。不少長者都向她提及牙科保健的問題，陳凱欣承諾進入立法會後，一定要為長者爭取牙科福利，令他們重拾歡樂及自信。

陳凱欣昨日上載多幅落區宣傳的照片，圖中可見她積極與長者對話，其中一位60多歲的婆婆非常愛她，但無奈表示：「我只有3隻牙！連基本食的人生樂趣也沒有了，可以怎辦？」陳凱欣聽到後亦感到十分心酸。

她坦言，清茶淡飯是不少長者簡單的希望，可惜不少公公婆婆因為牙齒脫落後，沒有財政能力應付鑲假牙開支，只能食之無味，嚴重的甚至強吞食物，導致消化不良，腸胃不適。她承諾進入立法會後，定會為長者爭取牙科福利，令他們重拾歡樂及自信。

## 神駒狂數 阿人「收水」賣港史

網議政事

反對派為吹捧立法會九龍西補選候選人李卓人，不惜講到佢係「宇宙唯一民主派」咁，但事實上反對派中人係咪都係咁嘅？「無敵神駒」仇思達上星期六再度開台，幾乎用吃成節目曝講李卓人既不是，揶揄李卓人成日都將「為工人發聲」、「守護公義」當口號掛在嘴邊，但事實上就「出賣港人」同利益輸送。但又批評李卓人班人成日都話基建係「大白象」，但其實佢當年都有份投票贊成港珠澳大橋，同近日嗰班嘍大橋度笑到見牙唔見眼既反對派一樣，都係口中說不身體卻很誠實。

### 爭外僑居港權圖製票倉

神駒話李卓人出賣港人，咁佢有咩證據呢？原來，李卓人所屬職工盟同工黨一向都係積極為外僑爭取居港權，而李卓人更曾經提出過要修訂將外僑納入最低工資保障，為咗製造外僑票，真係不惜共享香港僅有嘅空間，仲有中產嘅血汗錢，所以神駒都直斥佢「同全港市民為敵」。

出賣完香港市民，李卓人亦好「關照」佢最愛嘅勞工朋友。神駒又爆料，話李卓人話就話站在打工仔嚟，點知睇返議會記錄，原來當年增加強積金上限嘅議案度佢都投票贊成。令到僱員同僱主都增加咗筆額外開支，打工仔樂唔樂意就見仁見智，但基金佬肯定好開心囉。

### 收「黎水」「美水」益家人

李卓人收宣傳媒創辦肥佬黎(黎智英)錢、職工盟收美國國家民主基金會(NED)約1,300萬元就係人都知，但估唔到神駒又有考古發現，話職工盟曾經俾人踢爆租用獨立屋做培訓中心，違反地契之餘，仲被揭發中心嘅行政總裁就係李卓人姨仔，而佢老婆就係職工盟總幹事，真係好「一家親」嘍。

有見李卓人呢幾日就「明日大嶼」呢個填海計劃抽水，神駒又鬧爆佢當年都有份為港珠澳大橋嘅填海及口岸設施議案投票贊成，再鬧埋成班反對派，揶揄佢一有機會就即刻扮唔滿意話建幾幾好，但上到橋就笑晒口咁打卡影相，真係變臉快過換季。


見到李卓人出賣港人都仲可以發到豬頭兩咁，網民梗係鬧爆。「Jan Chan Kam Lin」就話：「Cap水(斂財)自己袋，嘢又做唔到。」「Nanki Kiu」就唔明李卓人同職工盟唔咁發達：「點解會俾(界)錢佢地(她)，唔覺得有幫過工友、市民，自己fat fat(肥佬)！好×有錢，感覺好詐騙！」「Astor Kit Yu Lo」狠批：「(李卓人)差不多得罪晒所有香港人！」「Gary A Lau」就鼓勵神駒繼續踢爆李卓人：「『李卓罪人』，續編要講幾集都講唔完，續夠一個月，『關鍵一個月』。」

香港文匯報記者 何西

# 死纏爛打派單張 街坊煩死當垃圾



李卓人在邨內派發傳單，但街坊反應冷淡。



居民收到傳單後立即棄置在垃圾桶。



邨內垃圾桶塞滿李卓人的宣傳單張。

## 偵查報道

以「Plan B」身份匆匆參加九龍西補選的工黨李卓人，雖然距下月25日的投票日僅剩約一個月時間，但這個兩年前被投票轟下台的「政壇老鬼」，似乎遲遲未能進入選舉狀態，直至在報名後差不多10天才首次掛帥落區「嗌咪」(持「大聲公」叫喊)。不過，對於這位空降候選人，九西的街坊並不受落。香港文匯報記者在現場觀察所見，雖然李卓人基本上是以死纏爛打方式逢人就強塞宣傳單張，但人們並不受落，多數人都「直行直過」沒有興趣接收，就算勉強收單張的市民，也是將單張直接丟到附近轉角處的垃圾桶，一時間，垃圾桶成為「李氏單張」的最佳棄置地。一些街坊憤憤地說，李卓人用這種死纏爛打的方式宣傳「根本係嚴重擾民」。

### 大聲公叫喊 噪音擾民

前日下午，李卓人與劉小麗拉大隊到石硤尾邨宣傳造勢。據說，這是「食慣大茶飯」(喜歡搞大型集會)的李卓人在本月12日報名後，首次由他正式掛帥落街站宣傳。而李卓人之所以選擇在石硤尾邨造勢，主因是今年3月九西補選時，反對派候選人姚松炎在該區的得票被對手鄭泳舜遠遠拋離，此次李卓人在「盲公竹」劉小麗的帶領下，希望透過造勢大會挽回劣勢。而一眾反對派政治人物，包括民主黨胡志偉、公民黨梁家傑、社民連長毛(梁國雄)及「眾志」的黃之鋒等都到場為他站台。

一如既往，劉小麗繼續打「悲情牌」扮無辜，在接受傳媒訪問後，眾人便到區內各處派發單張宣傳。香港文匯報記者現場觀察，不少石硤尾邨街坊對臨時拉夫、空降九西的李卓人並不受落，不少路過的街坊見到李卓人都避之則吉，但李卓人不愧是個老政客，臉皮甚厚，幾乎對每個路過的人都死纏爛打，只見他一面拿著大聲公叫喊，一面向路過者強塞宣傳品，就算不理他的一些街坊手中也都被強塞一疊傳單。

### 一味鬧對手 無提政綱

對於李卓人及其團隊用這種大聲叫喊且死纏爛打的方式在區內宣傳，眾多石硤尾邨居民都不認同。蘇女士說，「佢地(李卓人等人)一味鬧陳凱欣，一時又話咩人工島，講來講去都無提自己政綱，只係不停散播仇恨，我哋區內嘅老人家都好討厭佢地嘅做法，好多較少留意政治嘅鄰居都問我發生咩事。」

另一位石硤尾邨街坊洪先生指李卓人團隊的宣傳手法十分擾民：「我搵完朋友返屋企，有兩個人不停追住我，我已經禮貌咁婉拒佢地，但佢地都係要塞幾張宣傳單張畀我先肯走，平時佢地嘅街站不停鬧鬧鬧已經好煩，希望佢地選舉選選舉，唔好影響我哋普通市民嘅正常生活。」

香港文匯報記者 齊正之、張得民

## 區議員斥落區播仇恨

特稿

「石硤尾邨本是個好安靜嘅社區，嘅家反對派一擺街站，就好像『老拳』(理所當然)咁，成幾個鐘吵到拆天。」經民聯石硤尾邨區議員陳國偉斥責李卓人的宣傳方法太擾民：「為咗選舉而宣傳本無可厚非，但佢地似乎係在社區散播仇恨，好似要促使社區居民之間對立，呢種做法我絕不認同。」

「需要將更多正氣、正能量帶入議會。」陳國偉指出，近年來香港立法會充滿了叫囂謾罵，而這種風氣亦開始逐漸影響到社區，「難以接受佢地(李卓人)借宣傳為名不停嘍街站攻擊對手嘅做法，佢



陳國偉質疑李卓人為拉票製造社區對立。

對手，也盲目針對政府嘅土地政策，根本係顛倒黑白，也阻礙香港及社區發展。」同時，羅國豪也對與劉小麗同一理念的李卓人能參選感到不以為然：「佢(李卓人)嘅家明顯只係劉小麗嘅選舉代理人，佢只係借個名界劉小麗選，佢地理念亦都相近，政府應該杜絕呢啲『名為自決、其實獨獨』嘅人入侵議會。」

香港文匯報記者 張得民

## 黑面撐場 工黨李卓人日前搞所謂造勢大會

話就話一大班反對派「支持」，但有反對派時評人岸伯(黃覺岸)就係facebook貼咗當日嘅相出嚟，班人唔係佢天望地、唔知點緊咁，就係個樣勁唔耐煩，再唔係就發呆，岸伯都忍唔住寸他地：「Cap水(斂財)一戰有多齊心，一目了然。」佢仲叫班反對派「咁唔高興咪去啦」，咁又係，俾人發現咪仲樣衰。

圖：網上圖片 / 文：香港文匯報記者 鄭治祖